

Yotubepcute.

san kònòntònnan — nimòrò 101

zuluye kalo — san 1980

bp:24 — bamakò (mali)

telefòn : 22104 — ccp : 0155

dòròmè 4

kibarudilalaw kuntigi : amadu ganyi kantè

kibaru

a bè bò kalo o kalo, faso ka kibarudiso ka yamaruya kònò

selenge babili: mali jigi

kalo tèmènnen, n'o ye san 1980 zuwèn kalo ye, o kèra kibaru bòli kalo 100 nan ye. aw bée y'a dòn ko kibaru nimòrò fòlò bòra san 1972 marisi kalo tile 10 don. aw bée y'a dòn ko ni kibaru ye nimòrò 100 sòrò, k'o ye sababu nyuman de ye.

o sababu nyuman ye jònw ani jònw ye? kibaru kanubagaw, mali kònò a n'a kò-kan.

halì bi, balikukalanko ani kibaruko ani kunafoniciko la, an'k'an-jija ka dò fara cèsiri kan walasa mali k'a s'a go sòrò o kow la, bawo, mali denw man kan ka ko fosi daminè u ka to kò è la.

selenge nafaw

selenge babili dilali nafa tè se ka fò k'a ban. baara min kèra selenge, o girinya fana tè se ka fò k'a ban, mun na ? u bè lafiya ani hèrè minw lase mögòw ma, sòrò siratigè la ani hadama-denya diyali la.

fèn o fèn, n'o bè hèrè lase mögò ma, o fèn ye nafama fèn ye. balo b'o la ; siyòrò b'o la; baara nyuman b'o la; wa kènèya ani sòrò b'o la.

mali jigi
selenge babili



selenge bè kuran lase bamakò, sikaso ani kulukòrò maraw kònò

a bè ji wa langata sènèduguko low kan fo ka se tari 55.000 ma.

jiri foro tigiw, na-kötigiw ani bagan maralaw bée b'u sago sòrò selenge babili dayelèn-nen kò.

mali denmisènw ka selenge faso baara

mögô caman bë jamana dilali ko kuma fo, olu t'a körô dòn. a bë mögô caman nyèna ko jamana bë dila ni kuma dë ye. a bë dòw fana nyèna ko faso dilalaw b'u dan ma. o mögôw ka ca denmisènw na a bë denmisèn caman nyèna ko saniya baara caman ye cèkörôbaw ani musökôrôbaw de ka baara ye, i n'a fo bédaw ladilali; jiboli siraw labôli; jirrituru; kaburu shenni; dugu saniyalí n'a nyôgônnaw.

nansara dönnikèlaw y'a jira ko ni denmisènya tun bë se ka mögôkörôbaya ka dönniya waleya ko fosi tun tè tinyè. o kuma körô ka dun kosèbè, k'a masörô ale de bë denmisènw ani mögôkörôbaw bée jeyérô dansigi faso baara; dugu baara; kin baara ani du baara la, saniya ani lafiya siraw kan.

mali denmisènw y'o de famuya. o de kôsón, u ka tönba biro y'a kanu u ka ye jekabaara bée kénè kan jamana fan bée kônô. u y'a jira ko baara o baara, n'o nafa bë faso denw kan, mali yôrô o yôrô, olu bë ye o kénè kan.

mali denmisènw y'a jira sèkisón kelen kelen bée la ko kuma lankolon, yérélabilâ, fuyanya, makörôba dôgôye ani fugariya ka kan ka dabila dugubaw ni ncininw kônô. o de siratigè la, wele bilala sèkisón ani susèkisón ani komite kelen kelen bée ma, jekabaaraw keli la sôrô, yiriwa, nyètaa, kénèya, saniya, hadamadenya, kalan, seko, farikolo nyènajè, nisondiya, hère ani lafiya siraw kan.


walasa k'o kuma waleya, mali denmisènw ye jekabaara dò daminè san 1980 mè kalo tile 18 selenge babili la. bée y'a dòn ko selenge babili bëna ji walangatan sènè dugukolow tari baa caman kan; ka kuran yelen lase bamakô dugu kônô ani ka baara misèn caman kë, minw tè ta ji ani kuran kô. bée y'a dòn fana ko ni selenge babili ji labilala tuma min na, a bë tinyèli kë, fo ka se dugu körô mögôw ka sow ma. o de kôsón, gôfèrènaman ye yôrô kura suman, mögôw ka taa sigi yen, ka bô ji boli sira kan. so minw bëna jô o yôrô kura la, mali denmisènw taara dèmè don o baarakèlaw de ma, u k'a bolow fara nyôgôñkan. walasa yèlémali ka teliya, ka bën san 1980 uti kalo ma, n'o ka kan ka kë ji labilali kalo ye a k'a ka baaraw kë.

denmisèn 450 de ye nyôgôñ kunbèn mali denmisènw ka selenge jekabaara in na. mögô 150 bôra kati kubeda n'a duguw kônô; mögô 150 bôra buguni kubeda n'a duguw kônô; mögô 150 bôra yanfoyla kubeda n'a duguw kônô.

an ka denmisènw ka selenge jekabaara cènyali, a benni n'a diyali mögôw ye, o ye peresidan musa tarawele yèrè wajibiya ka taa selenge, k'u fo, k'u wale nyuman dòn, k'a jira u la k'u ye sira min minè nin ye faso baarala, k'o de nyôgôñ tè.

anw hakili la, selenge kô fè, mali denmisènw bëna jekabaara nafamaw k'u ka wale fanba ye; k'u bëna ye jekabaaraw senna minw nyinina u fè an'u yèrèw ye minw kanu, yôrô bée la, tuma bée la, kun bée la, cogo bée la, mali kônô ani mali yèrè kôkan kë.

nin kibaru bë dila tuma min na, o y'a sôrô mali denmisènw, minw bë moti mara kônô, olu fana bë faso baara la yuwaru kafo la.



selenge, bamakô mara, sikaso mara ani külükörô mara denmisènw ye biriki ba caman gosi walasa selenge kaw bë se ka sigi.

kibaru kanubagaw kuma yòrò

sunkalo

sunkalo ye kalo ye, min barikalen don. kalo doré ala ye kuranè jigin min na. a y'a jigin ka bèn ni su ye, su min barikalen don ka tèmèn su baa kelen kan. a y'a fisaya ni su tòw ye. sunkalo yèrè ka fisa ni san kalo tòw ye. ala y'an yamaruya an ka sun ni an diinè saniyalen ye, ani an ganiya jèlen ye.

sun ye mun ye


a kòrà ye dumunikèbaliya ni minnikèbaliya de ye, k'a ta fajiri la, fo ka t'a bila fitiri la. o waati in kònðia sa, a bè wajibiya silamè bée ma, minw bè sunkalo sun, u k'u yòrò janya haramu kow la, ani kòròfòli juguw minw, ni sariya tè sòn a ma. i ka kan k'i dalafinyè tanga kuma jugu fòli ma, ani k'i sònfon tanga ka bò wale juguw ma, sariya tè sòn min ma k'i to sun na.

n'i bè sun don, i k'a ganiya siri, k'a daminè a su fòlòfòlò la, k'a fò e tè sun don mògò si kelen ye, ala yèrè kò, ala min ye sun k'è sariya tuloma duuru dò ye. o la sa, an k'è dòn k'a fò, ala y'an da, ka danfèn tòw bée da n'a ka sebaaya ye. a ye hadamaden ni jinè fisaya n'a ka danfèn tòw ye, hakili la ani konyè nabò la, walasa u k'a dòn, k'a bato, k'a ka sariyaw jò.

ala ye nògòya k'an ye sun na. a y'a jira, n'e mògò min ma kònèya, walima i taamana, taama min b'i bali ka sun in kè, i ka kan ka sun bila, f'i ka kònèya, walima i ka segin ka bò taama in na. o tèmènnen kò, i ye tile da min bila, i b'o juru sara.

sun bila kun ye mun ye ? walasa i ni ka tanga, k'a lakisi ani k'a lähinè. sabu, ala ye hadamaden ni fisaya ka tèmèn fèn bée lajèlen kan.

bololabaara



bololabaara ye fèn ye min bè jamana danbe kòròta, o kama an bè se k'a fò ko bololabaara fana jòyerò bè jamana ka nyètaa la.

hikima

a bè bana misènw nògòya, k'u ban sundonna farikolo la. a bè joli saniya, k'a kònèya. a bè kònòbara dége kòngò la, fo i bè kòngòtòw fè ko dòn (dèsèbagatòw ni sègènbaganòw). baba sanògò, ka bò san

yèlèko

nin kèra cèkòròba dò ye. a y'a mòden wele a ka so kònò, ko a bëna kilisi fò a ye. mòden nana yòrò min, cèkòròba y'i kan to ko "bisimila" yòrò min, a kèra mòden nyè na ko kilisi min kofòra, ko o daminèna. mòdenkè yèrè ko :

- bisimila.
- cèkòròba ko :
- wolo ta, i k'i sigi.
- mòdenkè ko :
- wolo ta, i k'i sigi.
- o tè kilisi kan ye. ko i ka wolo ta, i k'i sigi.
- o tè kilisi kan ye. ko i ka wolo ta, i k'i sigi.
- cènìn o, ko o tè kilisi kan ye.
- cènìn o, ko o tè kilisi kan ye.
- shèku, nin tè, è, tèrèyi, ko nin tè kilisi kan ye sa.
- shèku, nin tè, è, tèrèyi, ko nin tè kilisi kan ye sa.

cèkòròba dimina a mòden kòrò. a ko :

- wuli ka bò n ka so.
- mòden yèrè ko :
- wuli ka bò n ka so.
- cèkòròba dimina, a ma fèn fò tugun.

ayiwa, n balimaw, ninw ma se ka nyògòn faamu, hakilintan fila, karamògò ni kaianden bée ka kan k'i hakili sigi. hakilintan tè se ka kalan, hakilintan tè se ka mògò kalan. sidi mohamèdi tarawele kooto.

kòori sènènaw

fèn nyènamaw bè kèlè

an kòori sènènaw bè se k'an yèrè nyè tèmè fèn nyènamaw dòw ka tinyèni nò kan. nka, n'a tèmèna a dama kan, an tè sòrò bèrè kè. o kosòn, an b'u kèlè. n'an b'u kèlè, an b'e se
 - ka yòrò jeni : o sen fè, an b'e ta bila foro la. wali, ni kalacè banna, an b'e kòori kalaw ton-ton, k'u jeni.
 - ka labure kè : ni daba ye dugukolo yèlèma, dugu jukòrò fènw b'e bila jè la. ni fèn nyènamaw don, tile b'u faga.
 - ka pòsòni furufuru foro kònò. o b'e se ka k'e pilimasin na, walima ponpe jèman na.


pilimasin b'e minw bolo, a nyininen b'e, olu ka furakèli kana jigin sinyè duuru jukòrò. furakèli fòlò ni filanan na, furaji litiri fila fila b'e k'e taari kelen na. furakèli sabanan ni naaninan ni duurunan na, furaji litiri saba saba b'e k'e taari la. o la, furakèli duuru b'e bèn litiri 13 ma taari la.
 ponpe jèman b'e minw bolo, a nyininen b'e, olu ka furakèli kana jigin sinyè naani jukòrò. furakèli fòlò ni filanan na, furaji litiri fila fila b'e bèn taari kelen ma. furakèli sabanan ni naaninan na, furaji litiri naani naani b'e k'e taari la. o la, furakèli sinyè naani b'e bèn furaji litiri 12 ma taari la.

furakèli labanw

an y'a kòlòsi, cikèla caman tè furakèli labanw kè. o waati b'e bèn setanburu kalo ni okutòburu kalo furakèliw ma. o dun ye eliyotisi b'o tuma ye.

eliyotisi de b'e kòori denso dun, a-wa, a b'e kòoriden sògò, k'a bu dun. ni eliyotisi bòra setanburu kalo laban tuma na, a b'e kòoriden kunba ni kòoriden labanw tinyè.

o la, sènèkèla b'e se ka bònè kilo 200, wali kilo 300 la taari kelen kelen na.



eliyotisi ntumu ba ye nfirinfirin ye. a finnen don. nka, a fan jèlen don, k'a lanèrèmugu

furakèli konyuman nafa

sènèkèla caman ka baara b'e k'e sanji kòrò wòsí ye, n'u ye furakèli waatiw janya nyògòn na, wali n'u ma taari furaji fòlen hakè yèrè k'e foro la, wali n'u y'u ban ka furakèli labanw k'e foro la.

an b'a lajè, k'an hakili jakabò nin waleya kan :

nin ye cikèla dò ye, a ye kòori taari kelen sènè. a ye taari kelen in furakè ponpe jèman na. a ye furakèli k'e sinyè naani. nka, a sinyè naani kònò, a danna furaji litiri 8

dòròn ma.

an k'o jateminè :

- ni kòoriden fara kèra, k'a tò to kòori ju fila fila ye danni dingèw kònò, kòori ju 60 000 nyògòn b'e sòrò taari kònò. kòoriden 240 000 b'e se ka sòrò o kòori juw la, minw kelen kelen girinya b'e se garamu 4 ma.

o la, taari kelen kònò kòoridenw girinya b'e bèn min ma, o ye : garamu $4 \times 240\ 000 = 960\ 000$, wali kilo 960 ye.

- n'an ka cikèla in tun ye pòsòni hakè fòlen yèrè k'e a ka foro la si nyè naani in na, a tun b'e furaji litiri 12 de k'e a ka foro la. a m'o k'e. n'a dun tun y'o k'e, a tun b'e kòoriden kelen nyògòn kisi tinyèni ma kòori ju fila o fila la. o b'e bèn kòoriden 30 000 ma taari la. kòoriden 30 000 girinya b'e bèn min ma, o ye : garamu $4 \times 30\ 000 = 120\ 000$, wali kilo 120 ye.

n'a tun ye kòori furakè, i n'a fò, a fòra cogò min, a tun b'e min sòrò, o ye : kilo 960 + kilo 120 = kilo 1080, wali tòni i ni kilo 80 ye.

ka yòrò

an ka cikèla bònèna mìn na, an k'o fana jateminè :

- a ma sòn ka furaji min kè foro la, o ye : litiri 12 - litiri 8 = litiri 4 ye.
- furaji litiri 4 sòngò ye : dòròmè $220 \times 4 = 880$ ye.
- furaji litiri 4 in tun bè min ladon a kun kòori la, ni kòori jèman kilo sòngò ye dòròmè 23 ye, o ye : dòròmè $23 \times 120 = 2760$ ye.
- furaji musaka kò fè, a tun bè min sòrò, o ye : dòròmè 2760 - dòròmè 880 = dòròmè 1880 ye.

dòròmè 1880 man dògò dè, a bè sègèni bòrè kelen sòrò fo k'a tò to, sègèni bòrè kelen dun nafa man dògò maanyò kòrò, janko n'i y'o sènè kòori kò fè.



laadilikan

ni mìn fòra an ye kòlakòliden, wali balikukaramògò fè, an k'o labato. a ka c'a la, an ka bin t'a la, bawo, a bè sègèsègèra fòlò, k'a dòn nyininkèlaw fè.

n'an ye danni kè joona, n'an ye kòlòsiminè kè, k'a dòn ko an ka foro kònò kòoriden labanw ka ca, an

k'an ka kòori furakè, fo k'a foori. furakèli laban de b'a to, n'an bè kòori kilo 100, wali kilo 150 nyògòn fara kòori sòròlen hakè kan taari la, o feerelen bè bèn dòròmè 2 000, wali dòròmè 3 000 nyògòn ma.

o bèe kò fè, n'an ye kòori furakè konyuman, an bè kòori jèman sòrò,

o kilo kelen ye dòròmè 23 ye. ni furakèli dun ma kè a kè cogo la, kòori bè nògò. a kilo sòngò hè jaasi ka taa a fè. a bè bò dòròmè 23 la, ka na dòròmè 18 ma, fo ka se dòròmè 5 ni tama 2 ni tila ma.

nyinan dun kòori nògòlen si fè san kòori jèman sanda la.

mamadu yusufu sise kucala

foli b'i ye



n baden cikèla,
n baden cènyi,
tanu b'i ye,
foli b'i ye.

dabanjana,
foro dankelen,
faso kanubaa,
faso kòkolo.

dubalenba
n'a suma duman,
sanuberénin
n'a ka daraja,

i ni ce,
i ni baara.

yòrò mènkòrò jakite
buguni

balikukalan

ne nisòndiyalen bè, fo n bè to ka yèlè, fòlò, ne tun tè halì sèbènden kelen dòn. nka, an bè bi min na, ne bè lètèrè ci ka taa yòrò bée. nyè mìn tun tè kalo ye, n'o ye dolo ye, i ka d'a la, a bè diya a ye dè.

an balima minnu bè, ni olu ma balikukalan daminè fòlò, a kèra cogo o cogo, a' b'a' ji ja ka kalan daminè. n'o fè, a' bè to dibi la de. balikukalan ye kalan ye, kalan min nafa tè se ka fò ka ban.

isa fònba
sirado

kènèya dògòkun fila baro

san o san, dinyè bée lajèlen ka jèkulu min sigilen bée kènèya sabatili kama, n'a bée wele ko "oms", o ka don kelen kérèn-kérènn, ka kè kènèya don ye, o bée kè nyogón hakili jigin don ye dinyè bée kònò. o kòrò ye ka mógòw hakili jigin baaraw la, minw ka kan ka timè, walasa banaw bée se ka nagasi, ka kènèya sabati kosèbè dinyè fan tan ani naani bée kònò

nyinan, don kérènkérèn in bennna ntènèn don ma, awirili kalo tile 7. "oms" y'a jira ko don kérènkérèn hukumu kònò, bée ka wuli ka sira kèle ka bò an ka jamanaw kònò.

nin don barikama in kama, an ka kènèya ani hadamadenya sabatili minisiriso ye dògòkun fila baro sigi sen kan. baro ninw bolila fèn caman kan; k'a ta duw, kafow ani dugubaw jèli konyèw la, ka t'a bila sira la, a kéra sira si o si ye.

aw bée ye baro minw lamèn arajo la; nka, a t'an bali ka dò fò kènèya dògòkun fila kan kibaru in kònò; sabu, a bée fò, wa tinyè don fana, ko "kuma ye finyè ye, nka sèbènnni bée to a nò na".

k'a ta awirili kalo tile 7 la, ka t'a bila a tile 24 la, an ka dòkòtòròw ani dònnibaa caman wèrèw kumana arajo la, kènèya sabatili cogo nyuman kan.

baro ninw tun bée fèn saba kan: olu ye an ka kènèya, ani an ka yorow jèliko ye, ani sira (sira minta, sigarati, wali dòrògu).

min ye kènèya anì yòròw jèliko ye, u ye laadilikan caman fò, minw matarafali bée banaw kùnbèn, ka kènèya jiidi jamana kònò. sabu, bana caman bée an minè, olu bée sòrò nògò de fè. o kòsòn, a ka kan, nògò ka kèle, ka bò an ka sow, lakòlisow, kafow, dugubaw ani an ka jamana yèrè kònò. jama bée kafo yòrò o yòrò la, o yòrò ka kan ka jè kosèbè.

nin ye kuma ye, min nafa ka ban, k'a d'a kan, bana kùnbènni ka fisa a furakèli ye. nka, "oms" y'a nganiya cogo minna, baro minw kologirin tun bée sira de kan. o kama, kuma caman fòra sira kan.

mun na "oms" y'a nganiya nyinan ko sira ka kèle?

- sira yèrè ye mun fèn ye ?
- sira bée mun ni mun kè hadamaden na?
- sira bée kèle cogo di ?

kènèya dògòkun fila hukumu kònò, baro minw kéra, olu bée nin nyinkaliw jaabi.

(a tò bée kibaru nata kònò)
badama dukure
kibarudilala
bamakò (mali)

tubabu furaw tacogo nyuman an'u kécogo nyuman

an b'a fè k'a laadi, walasa k'a kisi furaw tòrò ma.

an b'a fòlò furasansèbèn la. sèbèn kun ye mogow lakanali ye fura barikamaw ma; o de kòsòn, furasansèbèn man kan ka dilà dòkòtòròso baarakèlaw bée fè; bée ka kan k'o dòn, ka son o ma. bée tè se ka bilz fura feere la; bée man kan ka bil'a la fana. fura feere tè kogò feere ye, sukaro feere tè; nka, an fè yan, o ma faamu bée fè fòlò. o de kòsòn, n'a fòra ko fura tè feere ni dòkòtòròsèbèn tè, dòw bée jigin furafeerela la. sariya de bée ko bée la. walasa an kana nyogón tònyò.

ni móbilobolila ye "sitopu" yelen bilenman ye, a b'i jò; n'o tè, file bée fye a la; wa a bée nyangi. ni furafeerelaw fana ko fura min tè feere ni dòkòtòrò sèbèn tè, a man kan ka dimi u kòrò; i b'a sòrò o fura barika de ka bon.

dòkòtòrò caman tè miiri ko banabagatò bée ka sòrò man kan. fura caman mana sèbèn, banabagatò dòw bée kelen wali fila san, minw da ka di, hali n'o tè bana yèrè fura ye.

o laban ye bana juguyali ye. mógo caman hakili la, fura sóngò gèlèn de ye fura nyuman ye; o tè fura sóngò gèlèn bée ye.

fura tè yen ko tòrò tè min na; banabagatò de ka kan ka hakili sòrò. tòrò caman ye banabagatò yèrè nò ye. n'a fòra ko a ka mun fari la, dòw b'a tereke; n'o tigi wolo wulila, a b'a fò ko fura nò don; wali a bée dòkòtòrò tògò jugu fò: tòndòròjoli man kan ka tereke fari la; n'o kéra, a bée mógo wolo wuli; kabatò ka kan k'a mun a ka kaba la.

fura nyagami, ani ka taa dòkòtòrò kèmè ni mugan fè yen, o tè ko sèbè ye. ni furakisè kelen nyèna dòw ma, u b'a kè fila ye walasa u ka kènèya joona; o bée se ka k'u sababu ye. furakisè bée tè kunun; dòw bée bila muso musoya kònò; hali minw bée kunun, olu dòw ka kan ka nyimi fòlò: asipirini y'o dò ye. k'a d'a kan a bée se ka mógo furu jeni: asipirini ye o dò ye.

n'a fòra ko muso kònòma kana fura ta, o kòrò ye k'a bée se ka den kèle a kònò. ni jubatò ye fura ta, a bée se ka denyèrènin kèle sin fè; a bée se fana ka sinji dògoya. "garidenali" ye fura ye min bée se ka o baara in kè. o nyuman ye min ye,

(a tò bée nyè 7 la)

samakele dugu sigi cogo

n'i bôra bananba, n'i b'a fè ka taga samakele, i bè bô bananba tilebin fè; i bè se nakô fôlô min ma kô da la, i bè tèmèn o la ; i bèna se nakô filanan ma; sira bê fara fila ye; sira min bê numan fè, i bê taga o fè. i bèna fugaba ceci, ka kulunin yèlèn, ka taga fo ka jama. i mana jama, sira bê fara ye; i bê taga i numan fè; i bê tèmèn kulunin saba la, ka na fadabugu, ka na fajola, ka sôrô ka na samakele dugu kônô.

samakele sigilen bê fugaba kérè fè. kulu b'a ba fè; karajè b'a ba fè; bénèbala b'a tilebin fè; julabugu b'a kényèka fè; kôlôn dô b'a ba fè, n'u b'a fô ko kôlôn nyuman don; kôlônba jara, yèrèden-naani ani walidennaani, san jara sunsun na den, san ma ja sunsun na den. zoroba b'a kôrôn fè; fulaw sigilen bê zoroba kényèka fè, kôrôn séleke la, samakele bê tilebin fè.

samakele tu tigèbaga fôlô ye sô jara ye; filani tun don; a sara. an bê bi min na, moggow bê taga u makasi a kaburu la; n'i kônôgan na, i b'a fô ko bakole, n'o ye kaburu in tôgô ye, ni ne mago sera ka nyè, ne bê woro jè tan d'i ma; ni ala sonna, o mago bê nyè.

samakele kényèka fè, dili sidi dôgôkè sigilen bê yen, kôba da la; o tôgô ye ko baba, a jamu ye ko kanu; moggow nyuman don samakele.



siraba jara ka bô samakele bananba
kulukôrô mara.

bamanankan

samanni siginidenw
(voyelles longues)

aa.....baari.....lutte
ii.....kiimè.....estimer
uu.....kuuru....toujours
ee.....seere.....témoin
êe.....cèenè.....glisser
oo.....cooko.s'installer
ôo.....côolo....émonder
bulu.....feuille

nunna siginidenw
(nasales)

an....ban.....finir
in....bin.....herbe
en....denbaya....famille
èn..dèn..mouche tsé-tsé.
on....dondoli.....guêpe
ôn.dôñ..connaître, savoir
un....dun.....manger

dòkòtòrò mamadu kumarè

muso kônôma ani jubatô kana fura ta, ni dòkòtòrò m'a fô.waati minw ka gèlèn, olu ye kônô jima ye, kalo saba ani kalo wolonwula. fo ka taa se jiginni waati ma.

ka fura ta i yèrè ma, o ma nyi ; bêe n'i farikolo lakari don. nin fura nyèna karisa ma, n'a nyôgôlajè, o ma nyi; nin fura in nyèna ne ka bana ma, i t'o lajè, o fana ma nyi.

moggow man kan ka maloya, n'a fôra ka "suposituwari" don kôfètô fè; farigan fura suposituwarima de nafa ka bon ka tèmèn a furakisèma kan. moggow man kan ka maloya k'u ka sokônô bana dogo; waati de bê bana furakèli la; n'o tèmènna ka se fo i ni ma, fosi tè se k'i kisi.

tôrò caman wèrè bê furaw tali la ; a ye sèbèn ci dòkòtòrò mamadu kumare ma, k'a haminakow fô a ye, walasa a ka se ka kisi furaw tôrò ma.

a ka adèrèsi file : "i.n.r.p.m.t." bp 1746, bamakô a bê se k'a ci kibaru-dilalaw ma, olu k'a lase. kibaru adèrèsi file : bp 24, bamakô.

dòkòtòrò mamadu kumare.

seware ani gawo sira.

sira min bè ka dila
seware ani gawo cè, o
janya ye kilomètèrè 550
ye.

minisiri jibirili jalo
yèrè wulila ka se seware
ni gawo cè sira baara ko
nyènabò yòrò la ntènèn
mè kalo tile 12. baara-
kèlaw y'u nganiyaw jira
minisiri la, minisiri fa-
na y'a fò ka gèlèya u
yè, k'u ka baara kè mi-
nènw ladon konyuman.

seware ni gawo cè sira
in dilali bè nafa min
lase an ka jamana ma mi-
nisiri jibirili jalo da
sera o fana ma. a sira in
bèna kè sababu ye ka ka-
yi ni gawo bila nyögòn
na, a bè kè sababu fane
ye ka mali ni farafin
jamana dòw ni nyögòn cè
taama nògòya.

denmisènw ka tungafètaa

denmisènw ka tunga fè
taa tè ko kura ye, nka
a kè cogo yèlèmana si-
san. fòlò, ni sènè tun
banna, cèmisèn dòw tun
bè taga fèròbò nyini la.
dòw tun bè dan mali kònò
yan, dòw yèrè tun bè taga
fo jamana wèrèw la. nka
ni samiyè tun sera, u bée
tun bè segin faso kònò.

sisan denmisènw ka tun
ga fè taa ye magosa ye
faso ma. cèmisènw ni npo-
gotigiw b'u faso bila
k'a sòrò hali samiyè baa
raw ma ban, k'u bè taga
wari nyini. wa n'u taara,
segin tuma t'u la. dòw bè
san kelen kè, dòw bè san
fila kè, dòw yèrè tè se-
gin tugun, dòw segin tuma
b'a sòrò samiyè baara
tila bée kèra ka ban. cè-

misèn caman b'a la, olu
ka maminèmusow furu bè
sa u kò, npogotigi caman
fana b'a la, n'olu ye san
kelen ni fila kè duguba
kònò, olu tè sòn u ka
maminècèw la tugun.

denmisènw ka kunfètaaw
bè se ka na ni kojugu ca
man ye minw ni nin si tè
kelen ye; bawo jamana kò-
nò taga bè cèmisèn dòw
kè nsow ye, a bè npogoti-
gi dòw fana kè sungurun-
baw ye, a bè denmisèn dòw
hakilibò u jujo kò.

an nbalimaw, mógo t'a
fò ko mógo kana taga fèn
nyini yòrò wèrè, nka i
ka i taga kun dòn, k'i
taga tuma dòn, k'i segin
tuma fana dòn.

mamadu nyama jara
kibarudilala
bamakò (mali)

